



Broj: 02-05-15292-3.1/17
Sarajevo, 14.04.2017. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj 36/14 - Novi prečišćeni tekst i 37/14 – Ispravka), Vlada Kantona Sarajevo na **80.** sjednici održanoj **14.04.2017.** godine, donijela je slijedeći

ZAKLJUČAK

1. Utvrđuje se Prijedlog zakona o izmjeni Zakona o komunalnim djelatnostima.
2. Predlaže se Skupštini Kantona Sarajevo da navedeni Zakon pretrese i donese po hitnom postupku u skladu sa članom 159. Poslovnika Skupštine Kantona Sarajevo („Službene novine Kantona Sarajevo“, br: 41/12 - Drugi novi prečišćeni tekst, 15/13, 47/13, 47/15 i 48/16).
3. Stavlja se van snage Zaključak Vlade Kantona Sarajevo broj: 02-05-15292-3/17 od 14.04.2017. godine.

P R E M I J E R

Elmedin Konaković

Dostaviti:

1. Predsjedavajućoj Skupštine Kantona Sarajevo
2. Skupština Kantona Sarajevo
3. Premijeru Kantona Sarajevo
4. Ministarstvo komunalne privrede i infrastrukture
5. Evidencija
6. A r h i v a



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
VLADA

ZAKON
O IZMJENI ZAKONA
O KOMUNALNIM DJELATNOSTIMA
(Prijedlog)

Nosilac izrade:
Ministarstvo komunalne privrede i infrastrukture

Sarajevo, mart 2017. godine

Na osnovu člana 12. tačka e) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96- Ispravka, 3/96-Ispravka, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj _____ godine, donijela je

(PRIJEDLOG)

ZAKON
O IZMJENI ZAKONA O KOMUNALNIM DJELATNOSTIMA

Član 1.
(Izmjena člana 51a. Zakona)

U Zakonu o komunalnim djelatnostima („Službene novine Kantona Sarajevo“, br.: 14/16, 43/16 i 10/17-Ispravka), u članu 51a. riječi: „godinu dana“ zamjenjuju se riječima: “dvije godine“.

Član 2.
(Stupanje na snagu)

Ovaj zakon stupa na snagu narednog dana od dana objavljivanja u "Službenim novinama Kantona Sarajevo".

Broj _____/17
_____ 2017. godine

Predsjedateljica
Skupštine Kantona Sarajevo
Prof. Ana Babić

O B R A Z L O Ž E N J E

PRAVNI OSNOV:

Pravni osnov za donošenje Zakona o izmjeni Zakona o komunalnim djelatnostima sadržan je u članu 12. Tačka e. i člana 18. Tačka b. Ustava Kantona Sarajevo („Službene novine Kantona Sarajevo“, br. 1/96, 2/96 – ispravka, 3/96-ispravka, 16/97, 14/00, 4/01, 28/04 i 6/13), prema kojima je Kanton isključivo nadležan za utvrđivanje politike koja se tiče reguliranja i osiguravanja javnih službi, a Skupština Kantona Sarajevo nadležna da donosi zakone i druge propise iz nadležnosti Kantona, izuzev propisa koji su Ustavom ili zakonom dati u nadležnost Vlade Kantona.

RAZLOZI DONOŠENJA:



Dopunskom presudom broj: U-21/09 od 21.10.2015. godine, koju je donio Ustavni sud Federacije Bosne i Hercegovine, stavljen je van snage Zakon o komunalnim djelatnostima (“Službene novine Federacije Kantona Sarajevo”, br.: 31/14, 21/05 i 36/14) zbog povrede prava Grada Sarajevo na lokalnu samoupravu.

Na osnovu saglasnosti općina na teritoriji Kantona Sarajevo, Skupština Kantona Sarajevo je donijela novi Zakon o komunalnim djelatnostima („Službene novine Kantona Sarajevo“, broj: 14/16) koji je stupio na snagu narednog dana od dana objavljivanja u „Službenim novinama Kantona Sarajevo“, i čije važenje je do donošenja Zakona o lokalnoj samoupravi Kantona Sarajevo, a najduže šest mjeseci od dana donošenja zakona, a nakon čega je Skupština Kantona Sarajevo je usvojila Zakon o izmjeni Zakona o komunalnim djelatnostima ("Službene novine Kantona Sarajevo", broj: 43/16) kojim je produžena njegova primjena za još 6 (šest) mjeseci, odnosno do 28.04.2017. godine. bzirom da primjena Zakona ističe 28.04.2017. godine, te da je Programom rada Skupštine Kantona Sarajevo za 2017.godinu planirano u mjesecu maju 2017. godine usvajanje prijedloga Zakona o lokalnoj samoupravi koji je osnov za donošenje ovog Zakona, odnosno potrebno ga je uskladiti da Zakonom o lokanoj samoupravi, ponovo je neophodno izmijeniti navedeni Zakon u dijelu njegovog važenja i isti produžiti na dvije godine kako se ne bi došlo u situaciju da obavljanje komunalnih djelatnosti ostane neregulisano zakonskom regulativom što može prouzrokovati negativne posljedice za rad javnih komunalnih preduzeća Kantona Sarajevo i dovesti u pitanje funkcionisanje same komunalne privrede.

Obzirom da Zakon uređuje odnose i pitanja za čije uređivanje postoji neodložna potreba, te da bi donošenje Zakona u redovnom postupku moglo da izazove štetne posljedice za društvene interese u Kantonu, predlažemo Vladi da se navedeni materijal razmatra, te utvrdi Prijedlog navedenog Zakona i isti u Skupštinu uputi po hitnom postupku, shodno članu 159. Poslovnika Skupštine Kantona Sarajevo („Službene novine Kantona Sarajevo“, br.:41/12-Drugi novi prečišćeni tekst, 15/13, 47/13, 47/15 i 48/16).

POTREBNA FINASIJSKA SREDSTVA:

Za provođenje ovoga zakona nije potrebno obezbijediti finansijska sredstva u Budžetu Kantona Sarajevo.



Bosna i Hercegovina
 Federacija Bosne i Hercegovine
KANTON SARAJEVO
 Ministarstvo pravde i uprave



Bosnia and Herzegovina
 Federation of Bosnia and Herzegovina
CANTON SARAJEVO
 Ministry of Justice and Administration

Broj: 03-06-02-9003/17
 Sarajevo, 28.02.2017.godine



**MINISTARSTVO KOMUNALNE PRIVREDE
 I INFRASTRUKTURE**
 gosp. Senad Hasanspahić, ministar

**PREDMET: Prijedlog Zakona o izmjeni Zakona o komunalnim djelatnostima,
 mišljenje –**

VEZA: Vaš akt, broj: 27-02-8274/17 od 27.02.2017. godine

Postupajući po vašem aktu, broj i datum gornji, na osnovu odredbi člana 7. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12-Prečišćeni tekst i br. 41/12 i 8/15) i člana 4. stav 2. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11, 30/11 i 23/15), Ministarstvo pravde i uprave razmotrilo je prijedlog ovog zakona i daje sljedeće

MIŠLJENJE

Prijedlog Zakona o izmjeni Zakona o komunalnim djelatnostima je propis kojim se ne povređuju prava zaštićena Evropskom konvencijom o zaštiti ljudskih prava i osnovnih sloboda i drugim međunarodnim konvencijama kojima se štite ljudska prava.

S poštovanjem,

Dostaviti:
 1. Naslovu;
 2. a/a.



MINISTAR

 M. Hasanspahić



web: <http://mpu.ks.gov.ba>
 e-mail: pravda@ks.gov.ba
 Tel: + 387 (0) 33 562-083, Fax: + 387 (0) 33 562-241
 Sarajevo, Reisa Džemaludina Čauševića 1






KANTON SARAJEVO
Ured za zakonodavstvo
Vlade Kantona Sarajevo

CANTON SARAJEVO
Office for legislature of Sarajevo
Canton Government

Broj: 09-02-9004/17
Sarajevo, 28.02.2017. godine

KANTON SARAJEVO
MINISTARSTVO KOMUNALNE PRIVREDE I INFRASTRUKTURE



PREDMET: Stručno mišljenje na prijedlog Zakona o izmjeni Zakona o komunalnim djelatnostima.-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst, 30/11-Ispravka i 23/15), Ured za zakonodavstvo Vlade Kantona Sarajevo, daje slijedeće

MIŠLJENJE

1. Ured za zakonodavstvo Vlade Kantona Sarajevo nema primjedbi na dostavljeni tekst prijedloga Zakona o izmjeni Zakona o komunalnim djelatnostima, jer će se o razlozima za produženje roka primjene Zakona o komunalnim djelatnostima, a koji su navedeni u obrazloženju predmetnog materijala, izjasniti Vlada, odnosno Skupština Kantona Sarajevo.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst, 30/11-Ispravka i 23/15), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva





SEKRETAR

Ahmed Ljubović [Redacted Signature]



web: <http://uz.ks.gov.ba>
e-mail: ured@ks.gov.ba
Tel/fax: + 387 (0) 33 560-448
Sarajevo, Hamida Dizdara 1





Bosna i Hercegovina
 Federacija Bosne i Hercegovine
KANTON SARAJEVO
 Ministarstvo finansija



Bosnia and Herzegovina
 Federation of Bosnia and Herzegovina
CANTON SARAJEVO
 Ministry of Finance

Broj: 08-01-02-9005/17 NK
 Sarajevo, 28.03.2017. godine

KANTON SARAJEVO
MINISTARSTVO KOMUNALNE PRIVREDE
I INFRASTRUKTURE

30-03-2017

Predmet: Mišljenje na Prijedlog zakona o izmjeni Zakona o komunalnoj djelatnosti
 Veza, vaš dopis, broj 27-02-8274/17 od 23.02.2017.g.

Vezano za Vaš zahtjev za mišljenje na Prijedlog zakona o izmjeni Zakona o komunalnoj djelatnosti, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj 34/16), dajemo sljedeće mišljenje:

Ministarstvo komunalne privrede i infrastrukture Kantona Sarajevo je postupilo u skladu sa navedenim Pravilnikom i Ministarstvu finansija Kantona Sarajevo uz Prijedlog zakona dostavilo na mišljenje popunjen i potpisan obrazac IFP-NE u kojem je data izjava da za provođenje Zakona o izmjeni Zakona o komunalnoj djelatnosti nisu potrebna dodatna finansijska sredstva i da Zakon ne proizvodi dodatne finansijske efekte na Budžet Kantona Sarajevo.

Obzirom da za provođenje predloženog Zakona nije potrebno obezbijediti dodatna sredstva iz Budžeta Kantona Sarajevo, na navedeni Prijedlog zakona o izmjeni Zakona o komunalnoj djelatnosti, Ministarstvo finansija KS nema primjedbi.

S poštovanjem,




MINISTAR

Prof. dr. Jasmin Halebić



Dostaviti:

1. Naslovu
2. MF- Sektor za budžet i fiskalni sistem
3. a/a



web: <http://mf.ks.gov.ba>
 e-mail: mf@mf.ks.gov.ba;
 Tel: + 387 (0) 33 565-005, Cent.+ 387 (0) 33 565-000
 Fax: + 387 (0) 33 565-052 i 565-048
 Sarajevo, Maršala Tita 62





SLUŽBENE NOVINE

KANTONA SARAJEVO

Godina XXI – Broj 14

Četvrtak, 7. aprila 2016. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 12. tačka e) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 30.03.2016. godine, donijela je

ZAKON

O KOMUNALNIM DJELATNOSTIMA

DIO I - OSNOVNE ODREDBE

Član 1.

(Predmet Zakona)

Ovim zakonom određuju se komunalne djelatnosti, načela, način obavljanja i finansiranja, te druga pitanja od značaja za uspješno obavljanje komunalnih djelatnosti na području Kantona Sarajevo (u daljem tekstu: Kanton).

DIO II - KOMUNALNE DJELATNOSTI

Član 2.

(Značenje pojmova komunalnih djelatnosti)

- (1) Pod komunalnim djelatnostima, u smislu ovog zakona, podrazumijeva se pružanje komunalnih usluga od interesa za fizička i pravna lica, te finansiranje građenja i održavanje objekata i uređaja komunalne infrastrukture kao cjelovitog sistema na području Kantona, kao i Grada Sarajeva (u daljem tekstu: Grad) i općina na području Kantona (u daljem tekstu: općina) kada je to propisano ovim zakonom.
- (2) Komunalne djelatnosti dijele se na:
 - a) komunalne djelatnosti individualne komunalne potrošnje;
 - b) komunalne djelatnosti zajedničke komunalne potrošnje.
- (3) Pod pojmom komunalnih djelatnosti individualne komunalne potrošnje podrazumijevaju se komunalni proizvodi i usluge koje se mogu izmjeriti i naplatiti od svakog korisnika usluga.
- (4) Pod pojmom komunalne djelatnosti zajedničke komunalne potrošnje podrazumijeva se komunalni proizvod i usluga koju nije moguće izmjeriti i naplatiti od svakog korisnika usluga.

Član 3.

(Komunalna potrošnja)



- (1) Komunalne djelatnosti individualne komunalne potrošnje u smislu ovog zakona su:
 - a) snabdijevanje pitkom vodom;
 - b) odvođenje i prečišćavanje otpadnih voda;
 - c) snabdijevanje prirodnim gasom;
 - d) snabdijevanje toplotnom energijom;

- e) obavljanje javnog prijevoza putnika;
 - f) prikupljanje i odvoz komunalnog otpada iz stambenih i poslovnih zgrada i poslovnih prostora na deponiju;
 - g) odlaganje komunalnog otpada;
 - h) održavanje i organizacija javnih parking prostora i javnih garaža;
 - i) obavljanje pogrebnih poslova;
 - j) tržnice i pijace na malo.
- (2) Komunalne djelatnosti zajedničke komunalne potrošnje u smislu ovog zakona su:
 - a) odvođenje atmosferskih voda;
 - b) održavanje čistoće na javnim površinama;
 - c) održavanje javnih površina;
 - d) održavanje grobalja;
 - e) održavanje javne rasvjete;
 - f) obavljanje kafilerijske usluge;
 - g) dekorisanje;
 - h) održavanje javnih česmi i fontana, javnih kupatila i javnih nužnika;
 - i) održavanje javnih satova.

Član 4.

(Pojmovi Komunalne potrošnje)

- (1) Pod snabdijevanjem pitkom vodom podrazumijevaju se poslovi zahvatanja, prečišćavanja i distribucije vode za piće vodovodnom mrežom do mjernog instrumenta korisnika, uključujući i mjerni instrument, odnosno centralni mjerac kod objekata kolektivnog stanovanja.
- (2) Pod odvođenjem i prečišćavanjem otpadnih voda podrazumijevaju se poslovi skupljanja, odvođenja i prečišćavanja otpadnih voda od priključka korisnika na zajedničku kanalizacionu mrežu, odnosno od prvog kontrolnog okna, tretman otpadnih voda u uređaju za prečišćavanje, crpljenje, te odvoz i zbrinjavanje fekalija iz septičkih jama.
- (3) Pod snabdijevanjem prirodnim gasom podrazumijevaju se poslovi distribucije prirodnog gasa gasnom mrežom od glavnih mjerno - regulacionih stanica do uređaja za mjerenje protoka gasa, uključujući glavne mjerno-regulacione stanice i uređaje za mjerenje kod korisnika gasa, odnosno centralni mjerac kod objekata kolektivnog stanovanja.
- (4) Pod snabdijevanjem toplotnom energijom podrazumijevaju se poslovi proizvodnje i distribucije pare i tople vode mrežom do podstanice korisnika uključujući i podstanicu, odnosno glavni zaporni ventil koji se nalazi ispred ili u objektu, odnosno centralni mjerac utroška toplotne energije.



Član 48.

(Novčana kazna za davaoca komunalne usluge, upravitelja zgrade i pravno lice korisnika komunalne usluge)

- (1) Novčanom kaznom od 6.000,00 KM do 15.000,00 KM kazniće se za prekršaj davalac komunalne usluge i upravitelj zgrade i pravno lice korisnik komunalne usluge:
 - a) ako se ne pridržava odredaba utvrđenih u članu 18. ovog zakona;
 - b) ako se ne pridržava odredaba utvrđenih u članu 40. ovog zakona.
- (2) Za prekršaj iz stava (1) ovog člana kazniće se i odgovorno lice davaoca komunalne usluge, upravitelja zgrade i pravnog lica korisnika komunalne usluge novčanom kaznom od 2.000,00 KM do 6.000,00 KM.
- (3) Za prekršaj iz stava (1) ovog člana kazniće se i pojedinac korisnik komunalne usluge novčanom kaznom od 1.500,00 KM do 4.000,00 KM.

Član 49.

(Novčana kazna za pravno lice i pojedinca kao korisnika komunalne usluge)

- (1) Novčanom kaznom od 10.000,00 KM do 30.000,00 KM kazniće se za prekršaj pravno lice kao korisnik komunalne usluge:
 - a) ako izvrši neovlašteno priključenje na komunalnu infrastrukturu;
 - b) ako neovlašteno interveniše na komunalnoj infrastrukturi;
 - c) ako neovlašteno koristi komunalne usluge;
 - d) ako svojim radnjama onemogući nesmetano korištenje komunalne usluge u zgradi;
 - e) ako spriječi davaoca komunalne usluge da interveniše na komunalnoj infrastrukturi i postrojenjima i time ugrozi korištenje komunalne usluge ostalim korisnicima;
 - f) ako spriječi ulazak radi pregleda zajedničkih i unutrašnjih instalacija ovlaštenom predstavniku davaoca komunalnih usluga, upravitelju zgrade, odnosno nadležnom inspektoru;
 - g) ako oštećuje, odnosno uništava osnovna sredstva, postrojenja i drugu komunalnu opremu i na taj način nepovoljno utiče na normalno pružanje komunalnih usluga ostalim korisnicima, odnosno na sam kvalitet tih usluga.
- (2) Za prekršaj iz stava (1) ovog člana kazniće se i odgovorno lice pravnog lica novčanom kaznom od 3.000,00 KM do 9.000,00 KM.
- (3) Za prekršaj iz stava (1) ovog člana kazniće se i pojedinac korisnik komunalne usluge novčanom kaznom od 2.000,00 KM do 6.000,00 KM.

DIO XII - PRELAZNE I ZAVRŠNE ODREDBE

Član 50.

(Rok za donošenje podzakonskih akata)

Vlada Kantona će u roku od šest mjeseci od dana stupanja na snagu ovog zakona, donijeti podzakonske akte iz člana 4. stav (20) ovog zakona.

Član 51.

(Evidencija obveznika plaćanja komunalne naknade)

Kantonarno ministarstvo nadležno za komunalne poslove, odnosno pravno lice koje Kanton ovlasti, dužno je da uspostavi evidenciju obveznika plaćanja komunalne naknade, rješenjem utvrdi obavezu plaćanja ove naknade za obveznike i stvori organizacione i druge uslove za naplatu u roku od jedne godine od dana stupanja na snagu ovog zakona.

Član 51a.

Ovaj zakon primjenjivat će se do donošenja Zakona o lokalnoj samoupravi, a najduže šest mjeseci od dana stupanja na snagu ovog zakona.

Član 52.

(Stupanje na snagu)

Ovaj zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-10331/16
30. marta 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana III. 4. e. i člana V. 6. e. Ustava Federacije Bosne i Hercegovine i člana 18. b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 30.03.2016. godine, donijela je

ZAKON

O KOMUNALNOJ ČISTOĆI

DIO PRVI - OPĆE ODREDBE

Član 1.

(Predmet regulisanja)

Ovim zakonom uređuje se komunalna čistoća, utvrđuju obaveze preduzeća i drugih pravnih lica i građana u održavanju komunalne čistoće, način finansiranja i druga pitanja od značaja za komunalnu čistoću na teritoriji Kantona Sarajevo (u daljem tekstu: Kanton).

Član 2.

(Pojam komunalne čistoće)

Komunalnom čistoćom, u smislu ovog zakona, smatra se održavanje čistoće na javnim površinama, kao čišćenje komunalnih otpadaka sa javnih površina, pranje asfaltiranih, betoniranih i popločanih javnih površina, prikupljanje, odvoženje i deponovanje komunalnih otpadaka, uništavanje i prerada komunalnih otpadaka (u daljem tekstu: otpadak), održavanje deponije i uklanjanje snijega sa javnih površina, održavanje čistoće u dvorištima, zajedničkim prostorijama stambenih zgrada (hodnici, stubišta i sl.), garažama i šupama (u daljem tekstu: druge površine).

Član 3.

(Obavljanje poslova komunalne čistoće)



Obavljanje poslova komunalne čistoće vrše komunalna preduzeća registrovana za obavljanje ove djelatnosti (u daljem tekstu: komunalna preduzeća), a održavanje čistoće na drugim površinama iz člana 2. ovog zakona vrše korisnici stambenih zgrada, garaža i šupa.

Član 4.

(Pojam javne površine)

Javnim površinama, u smislu ovog zakona, smatraju se:

- a) ulice, kolovozi, biciklističke staze, pločnici i rigoli, putevi, prilazi i prelazi, trgovi, podvožnjaci i nadvožnjaci, mostovi i stepeništa van zgrada, javna parkirališta, autobuska i tramvajska stajališta (u daljem tekstu: javne saobraćajne površine),
- b) tramvajski i željeznički kolosjeci u posebnom trupu, sa stajalištima, benzinske stanice i prostor oko njih,
- c) aerodrom i zaštitni aerodromski pojas,
- d) otvoreni pijačni, tržni prostori i prostori oko prodajnih objekata,
- e) neizgrađena građevinska zemljišta,
- f) ulični slivnici,
- g) kolovozi kantonarnih puteva,
- h) zelene i rekreativne površine kao što su:
 - 1) javne zelene površine (park-šume, parkovi, park-prirode, parkovske staze, travnjaci, drvoredi, skverovi, zelenilo uz saobraćajnice i slično),
 - 2) zelene površine stambenih, odnosno urbanih cjelina,
 - 3) pješačke staze,



SLUŽBENE NOVINE

KANTONA SARAJEVO

Godina XXI – Broj 43

Četvrtak, 27. oktobra 2016. godine
S A R A J E V O

ISSN 1512-7052

KANTON SARAJEVO

Skupština Kantona Sarajevo

Na osnovu člana 13. tačka i) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) i člana 167. Zakona o vodama ("Službene novine Federacije BiH", broj 70/06), Skupština Kantona Sarajevo, na sjednici održanoj dana 19.10.2016. godine, donijela je

ZAKON

O IZMJENI I DOPUNI ZAKONA O VODAMA KANTONA SARAJEVO

Član 1.

U Zakonu o vodama Kantona Sarajevo ("Službene novine Kantona Sarajevo", broj 18/10), član 43. mijenja se i isti glasi:

"Član 43.

- (1) Nadležni organ iz člana 42. stav 5. ovog zakona na prijedlog Vlade Kantona Sarajevo donosi Privremenu odluku o zaštiti izvorišta vode od značaja za buduće snabdijevanje vodom za piće, korištenje izvora mineralne, termalne ili podzemne vode, za područje Kantona Sarajevo do donošenja Odluke o zaštiti izvorišta u skladu sa članom 68. stav 5. Osnovnog zakona.
- (2) Privremene mjere zaštite izvorišta voda bit će definisane u Odluci i Elaboratu o zaštiti izvorišta."

Član 2.

U članu 83. iza stava (1) dodaje se novi stav (2) koji glasi:

- (2) Stupanjem na snagu Privremene odluke o zaštiti izvorišta prestaje da važi Odluka o zaštiti izvorišta vode za piće u Sarajevskom polju ("Službene novine Grada Sarajeva", broj 2/87), za to izvorište, a koju su donijeli organi Grada i općina prije stupanja na snagu izmjene i dopune ovog Zakona".

Član 3.

Ovaj zakon stupa na snagu danom objavljivanja u "Službenim novinama Kantona Sarajevo".

Broj 01-02-30661/16 Predsjedateljica
19. oktobra 2016. godine Skupštine Kantona Sarajevo
Sarajevo Prof. **Ana Babić**, s. r.

Na osnovu člana 12. tačka e) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 19.10.2016. godine, donijela je

ZAKON

O IZMJENI ZAKONA O KOMUNALNOJ ČISTOĆI

Član 1.

(Izmjena člana 76a. Zakona)

U Zakonu o komunalnoj čistoći ("Službene novine Kantona Sarajevo", broj 14/16), u članu 76a. riječi: "šest mjeseci" zamjenjuju se riječima: "godinu dana".

Član 2.

(Stupanje na snagu)

Ovaj zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-30667/16 Predsjedateljica
19. oktobra 2016. godine Skupštine Kantona Sarajevo
Sarajevo Prof. **Ana Babić**, s. r.

Na osnovu člana 12. tačka e) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 19.10.2016. godine, donijela je

ZAKON

O IZMJENI ZAKONA O KOMUNALNIM DJELATNOSTIMA

Član 1.

(Izmjena člana 51a. Zakona)

U Zakonu o komunalnim djelatnostima ("Službene novine Kantona Sarajevo", broj 14/16), u članu 51a. riječi: "šest mjeseci" zamjenjuju se riječima: "godinu dana".



Član 2.

(Stupanje na snagu)

Ovaj zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-30668/16 Predsjedateljica
19. oktobra 2016. godine Skupština Kantona Sarajevo
Sarajevo Prof. **Ana Babić**, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04) i čl. 24. i 25. Zakona o zaštiti prava pripadnika nacionalnih manjina u Kantonu Sarajevo ("Službene novine Kantona Sarajevo", broj 27/11), Skupština Kantona Sarajevo, na sjednici održanoj dana 19.10.2016. godine, donijela je



- 43.34 Bojenje i staklarski radovi
- 43.39 Ostali završni građevinski radovi
- 43.91 Podizanje krovnih konstrukcija i pokrivanje krovova
- 43.99 Ostale specijalizirane građevinske djelatnosti, d. n.
- 45.20 Održavanje i popravak motornih vozila
- 46.22 Trgovina na veliko cvijećem i sadnicama
- 47.76 Trgovina na malo cvijećem, sadnicama, sjemenjem, gnojivom, kućnim ljubimcima i hranom za kućne ljubimce u specijaliziranim prodavnicama
- 47.81 Trgovina na malo hranom, pićima i duhanskim proizvodima na štandovima i tržnicama
- 47.82 Trgovina na malo tekstilom, odjećom i obućom na štandovima i tržnicama
- 47.89 Trgovina na malo ostalom robom na štandovima i tržnicama
- 49.41 Cestovni prijevoz robe
- 49.42 Usluge preseljenja
- 68.32 Upravljanje nekretninama uz naknadu ili na osnovu ugovora
- 71.11 Arhitektonske djelatnosti
- 71.12 Inženjerske djelatnosti i s njima povezano tehničko savjetovanje
- 71.20 Tehničko ispitivanje i analiza
- 73.11 Agencije za promociju (rekamu i propagandu)
- 73.12 Oglašavanje putem medija
- 73.20 Istraživanje tržišta i ispitivanje javnog mnijenja
- 74.10 Specijalizirane dizajnerske djelatnosti
- 81.10 Pomoćne djelatnosti upravljanja zgradama
- 81.21 Osnovno čišćenje zgrada
- 81.22 Ostale djelatnosti čišćenje zgrada i objekata
- 81.29 Ostale djelatnosti čišćenja
- 81.30 Uslužne djelatnosti uređenja i održavanja zelenih površina
- 82.99 Ostale poslovne pomoćne uslužne djelatnosti, d.n.
- 91.04 Djelatnosti botaničkih i zooloških vrtova i prirodnih rezervata
- 93.11 Rad sportskih objekata
- 93.21 Djelatnosti zabavnih i tematskih parkova
- 93.29 Ostale zabavne i rekreacijske djelatnosti
- 96.03 Pogrebne i srodne djelatnosti
- 96.09 Ostale lične uslužne djelatnosti, d.n.

Član 3.

Statut društva uskladit će se sa odredbama ove Odluke u roku od 60 (šezdeset) dana od dana upisa ovih promjena u sudski registar.

Ovlašćuje se Predsjedavajući Općinskog vijeća Ilijaš da nakon usvajanja ove Odluke potpiše kod Notara notarski obrađenu Odluku o naprijed naznačenoj izmjeni osnivačkog akta društva, po osnovu koje će se izvršiti upis u sudski registar naprijed naznačene promjene, a direktor Preduzeća je dužan i ovlašten u zakonskom roku podnijeti sudskom registru Prijavu za upis naprijed naznačenih promjena po osnovu ove odnosno notarski obrađene Odluke u skladu sa ovom Odlukom.

Član 4.

Ova Odluka stupa na snagu danom donošenja, a biće objavljena u "Službenim novinama Kantona Sarajevo".

Broj 01/1-02-381-9/17 23. februara 2017. godine Ilijaš	Predsjedavajući Općinskog vijeća Mahir Dević, s. r.
--	--

Na osnovu člana 363. stav 3. tačka 5. Zakona o stvarnim pravima ("Službene novine Federacije BiH", br. 66/13, 100/13), člana 55. u vezi sa članom 97. stav 3. Statuta Općine Ilijaš - Prečišćeni tekst ("Službene novine Kantona Sarajevo", br. 20/09) i člana 99. Poslovnika o radu Općinskog vijeća Općine Ilijaš ("Službene novine Kantona Sarajevo", br. 2/10, 18/15), Općinsko vijeće Općine Ilijaš, na svojoj sjednici održanoj dana 23.02.2017. godine, donosi

ODLUKU

**O IZMJENI ČLANA 1. ODLUKE OPĆINSKOG VIJEĆA
OPĆINE ILIJAŠ BR. 01/1-02-1726-12/16
OD 26.07.2016. GODINE**

Član 1.

Mijenja se član 1. Odluke o neposrednoj pogodbi za prodaju neizgrađenog građevinskog zemljišta br. 01/1-02-1726-12/16 od 26.07.2016. godine ("Službene novine Kantona Sarajevo", br. 31/16) i isti glasi:

Odobrava se prodaja neposrednom pogodbom neizgrađenog građevinskog zemljišta označenog kao

- k.č. br. 28/2 po kulturi ostalo neplodno zemljište u površini od 124 m² upisana u zk. ul. br. 1216 K.O. Ilijaš Grad kao vlasništvo Općine Ilijaš sa dijelom 1/1.

Po starom premjeru predmetnoj parceli odgovarala je parcela k.č. br. 1861/31 K.O. SP_Podgora.

Član 2.

Ostali članovi Odluke o neposrednoj pogodbi za prodaju neizgrađenog građevinskog zemljišta ostaju nepromijenjeni.

Član 3.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-381-10/17 23. februara 2017. godine Ilijaš	Predsjedavajući Općinskog vijeća Mahir Dević, s. r.
---	--



ISPRAVKE

Na osnovu člana 164. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, br. 15/13, 47/13, 47/15 i 48/16), Sekretar Skupštine Kantona Sarajevo, nakon podnesenog zahtjeva za ispravku štamparske greške u Zakonu o komunalnim djelatnostima ("Službene novine Kantona Sarajevo", broj 14/16 i 43/16), daje slijedeću

ISPRAVKU

ZAKONA O KOMUNALNIM DJELATNOSTIMA

1. U Zakonu o komunalnim djelatnostima ("Službene novine Kantona Sarajevo", broj 14/16 i 43/16), u članu 46. stav (1) tačka b) umjesto riječi: "članu 17" treba da stoji "članu 16".
2. U članu 46. stav (1) tačka c) umjesto riječi: "članu 17" treba da stoji: "članu 16".



Četvrtak, 9. marta 2017.

3. Ovu ispravku objaviti u "Službenim novinama Kantona Sarajevo".

Broj 01-02-10331-1/16
02. marta 2017. godine
Sarajevo

Po ovlaštenju
Sekretar
Almira Kulović-Šetkić, s. r.

SLUŽBENE OBJAVE

UDRUŽENJA - FONDACIJE

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "Centar za razvoj kulture i sporta", Ministarstvo pravde i uprave donosi

RJEŠENJE

1. Upisuje se u registar udruženja koji se vodi kod Ministarstva pravde i uprave Kantona Sarajevo Udruženje "Centar za razvoj kulture i sporta", skraćeni naziv je "CRKS", sa sjedištem u Sarajevu, ulica HAMZE HUME broj 8.
2. Upis je izvršen pod registarskim brojem 2207. knjiga V registra udruženja, dana 07.02.2017. godine.
3. Programski ciljevi i zadaci Udruženja su: Prikupljanje, analiza i prezentiranje informacija o kulturi i sportu u društvu i državi; predlaganje politika i aktivnosti institucijama u čijoj nadležnosti je kultura i sport; pružanje svih vidova pomoći osobama koje imaju želju uključiti se u kulturno-sportske tokove u društvu; aktivnosti usmjerene na rad sa institucijama i pojedincima u zajedničkoj borbi za razvoj i afirmaciju kulture i sporta; zalaganje za slobodu edukacijskog procesa, te otvorenog dijaloga sa društvom; uspostava domaće i međunarodne saradnje i aktivnosti na strukovnom nivou iz oblasti kulture i sporta; afirmacija moralnih, naučnih i intelektualnih vrijednosti bosanskohercegovačkog društva; educiranje lica zainteresovanih za rad u oblasti kulture i sporta kroz sticanje novih zvanja i vještina i stručne projekte od značaja za društvo.
4. Osoba ovlaštena za zastupanje i predstavljanje je: Denis Čamdžić - predsjednik Udruženja.

Broj 03-03-05-388/17
07. februara 2017. godine
Sarajevo

Ministar
Mario Nenadić, s. r.

(O-132/17)

Ministarstvo pravde i uprave Kantona Sarajevo, rješavajući po zahtjevu Udruženja plivački klub Sarajevo, na osnovu člana 33. stav 2. Zakona o udruženjima i fondacijama ("Službene novine Federacije BiH", broj 45/02), donosi

RJEŠENJE

Prestaje sa radom Udruženje PLIVAČKI KLUB SARAJEVO, sa sjedištem u Sarajevu, ulica Brčanska broj 8, upisano u registar koji se vodi kod Ministarstva pravde i uprave Kantona Sarajevo, rješenjem broj 03-05-05-7210/08 od 18.06.2008. godine, pod registarskim brojem 1143 knjiga II registra udruženja.

Broj 03-03-05-1322/17
16. februara 2017. godine
Sarajevo

Ministar
Mario Nenadić, s. r.

(O-136/17)

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu UDRUŽENJA RADIO KLUB "VOGOŠĆA", Ministarstvo pravde i uprave donosi



RJEŠENJE

1. Upisuje se u registar udruženja koji se vodi kod Ministarstva pravde i uprave Kantona Sarajevo UDRUŽENJE RADIO KLUB "VOGOŠĆA". Skraćeni naziv Udruženja je: RK "VOGOŠĆA", sa sjedištem u Vogošći, ulica PARTIZANSKI ODRED ZVIJEZDA broj 46.
2. Upis je izvršen pod registarskim brojem 2204. knjiga V registra udruženja, dana 24.01.2017. godine.
3. Programski ciljevi i zadaci Udruženja su: Podsticanje i koordiniranje tehničkog obrazovanja svih svojih članova na polju radio-komunikacija, elektronike, telekomunikacija i računarstva/informatike; popularizacija radio-amaterskog pokreta među mladima; podsticanje i unapređivanje rada operatora na radio-amaterskim opsezima; uspostavljanje i unapređenje saradnje sa srodnim organizacijama u zemlji i inostranstvu; usklađivanje programskih aktivnosti među članovima; razvijanje sportskog i takmičarskog duha članstva kroz takmičenja, zborove i seminare; zastupanje interesa članstva na međunarodnim skupovima; ostvarivanje drugih zajedničkih interesa članova Udruženja u skladu sa osnivačkim aktom i Statutom Udruženja.
4. Osoba ovlaštena za zastupanje i predstavljanje je: Faruk Tičić - predsjednik Upravnog odbora.

Broj 03-03-05-14741/16
24. januara 2017. godine
Sarajevo

Ministar
Mario Nenadić, s. r.

(O-147/17)



“Službene novine Kantona Sarajevo”
Broj 1/96

Na osnovu članova V-1.4. i IX-3(4) Ustava Federacije Bosne i Hercegovine (“Službene novine Federacije BiH”, broj 1/94), Skupština Kantona Sarajevo, na sjednici održanoj dana 11. marta 1996. godine, donosi

USTAV
KANTONA SARAJEVO

I - OPĆE ODREDBE

Član 1.

Sadržaj

Ovim Ustavom uređuju se organizacija i status Kantona Sarajevo (dalje: Kanton), njegove nadležnosti i struktura vlasti.

Član 2.

Uspostavljanje Kantona

Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14. decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu.

Član 3.

Naziv i sjedište Kantona

Službeni naziv Kantona je: Kanton Sarajevo.
Sjedište Kantona je u Sarajevu.

Član 4.

Teritorij Kantona

Teritorij Kantona obuhvata područja općina Centar Sarajevo, Hadžići, Ilidža, Ilijaš, Novi Grad Sarajevo, Novo Sarajevo, Stari Grad Sarajevo, Trnovo i Vogošća, kako je to utvrđeno Mirovnim sporazumom. Ovaj teritorij se bliže utvrđuje posebnim propisom Skupštine Kantona (dalje: Skupština) sukladno federalnim zakonima.

U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zatražiti i lično i izjašnjavanje građana sa područja Kantona na neki od propisanih načina.



Član 5.

Službena obilježja Kantona

Kanton ima grb, zastavu, himnu/svečanu pjesmu i pečat, kao i druga obilježja o kojima odluči Skupština.

Službena obilježja Kantona upotrebljavat će se samostalno ili zajedno sa službenim obilježjima Bosne i Hercegovine i Federacije, kako je to određeno njihovim propisima i propisima Kantona.

Za prihvatanje službenih obilježja iz prethodnog stava u Skupštini potrebna je kvalifikovana većina ukupnog broja poslanika.



- b) osigurati suradnju svake osobe i svakog službenika u davanju potrebnih informacija i podataka;
 - c) osigurati pristup i kontrolu na svim mjestima gdje su osobe lišene slobode, zatvorene ili gdje rade;
 - d) omogućiti prisustvo sudskim i upravnim postupcima kao i sastancima organa.
- Nalazi i izvještaji tijela iz stava 1. ovog člana će se razmatrati u nadležnim organima po hitnom postupku, te će na osnovu toga biti preduzimate odgovarajuće mjere gdje to bude potrebno.

III - NADLEŽNOSTI KANTONA

Član 11.

Određivanje nadležnosti

Kanton ima nadležnosti utvrđene Ustavom Federacije i ovim Ustavom.

U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu pretpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona.

Član 12.

Isključive nadležnosti


U okviru svojih nadležnosti Kanton je nadležan za:

- a) uspostavljanje i nadziranje policijskih snaga;
- b) utvrđivanje obrazovne politike, uključujući donošenje propisa o obrazovanju i osiguranje obrazovanja;
- c) utvrđivanje i provođenje kulturne politike;
- d) utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;
- e) utvrđivanje politike koja se tiče reguliranja i osiguravanja javnih službi;
- f) donošenje propisa o korištenju lokalnog zemljišta, uključujući i zadržavanje;
- g) donošenje propisa o unaprijeđivanju lokalnog poslovanja i dobrotvornih aktivnosti;
- h) donošenje propisa o lokalnim postrojenjima za proizvodnju energije i osiguranje njihove dostupnosti;
- i) utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- j) provođenje socijalne politike i uspostava službi socijalne zaštite;
- k) stvaranje i primjena politike turizma i razvoja turističkih resursa;
- l) stvaranje pretpostavki za optimalni razvoj privrede koja odgovara urbanoj sredini;
- m) finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.

Član 13.

Zajedničke nadležnosti sa Federacijom

Kanton zajedno sa Federacijom, samostalno ili u koordinaciji sa federalnim vlastima vrši slijedeće nadležnosti:



Član 18.

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovnikom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovnikom.

Član 20.


Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili ka'njen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).



Na osnovu člana 172, 175. i 176. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12) Zakonodavno-pravna komisija Skupštine Kantona Sarajevo na sjednici od 17.09.2012. godine, utvrdila je Drugi novi prečišćeni tekst Poslovnika Skupštine Kantona Sarajevo.

Drugi novi prečišćeni tekst Poslovnika Skupštine Kantona Sarajevo obuhvata Poslovnik Skupštine Kantona Sarajevo-Novi prečišćeni tekst ("Službene novine Kantona Sarajevo", broj 25/10), Odluku o dopuni Poslovnika Skupštine Kantona Sarajevo ("Službene novine Kantona Sarajevo", broj 14/11), Odluke o izmjenama i dopunama Poslovnika Skupštine Kantona Sarajevo ("Službene novine Kantona Sarajevo", broj 19/11, 7/12, 26/12) u kojima je označen dan stupanja na snagu tih odluka.

POSLOVNIK SKUPŠTINE KANTONA SARAJEVO DRUGI NOVI PREČIŠĆENI TEKST

I - OPĆE ODREDBE

Član 1.

Skupština Kantona Sarajevo (u daljnjem tekstu: Skupština) konstituise se, organizuje i radi u skladu sa Ustavom, zakonom i Poslovníkom Skupštine Kantona Sarajevo.

Član 2.

Poslovníkom Skupštine Kantona Sarajevo (u daljnjem tekstu: Poslovnik) uređuju se:

- konstituisanje i unutrašnja organizacija Skupštine;
- način rada Skupštine;
- dužnosti i prava poslanika/zastupnika u Skupštini;
- javnost rada Skupštine;
- akta Skupštine;
- izbori, imenovanja, potvrđivanja, smjenjivanja i razrješenja iz nadležnosti Skupštine;
- odnos Skupštine prema Vladi (u daljem tekstu: Vlada);
- odnos Skupštine prema političkim strankama i udruženjima građana;
- saradnja sa Gradskim vijećem i Domom naroda Parlamenta Federacije BiH;
- saradnja Skupštine sa općinskim vijećima; i
- druga pitanja od značaja za rad Skupštine.

Član 3.

Ako neko pitanje organizacije i rada Skupštine nije uređeno Poslovníkom, uređiće se zaključkom Skupštine, na sjednici.

Zaključak iz prethodnog stava primjenjuje se od dana donošenja.


Zaključak iz stava 1. ovog člana ne može biti u suprotnosti sa načelima i odredbama Poslovnika.

Član 4.

Sjedište Skupštine je u Sarajevu, Ulica Reisa Džemaludina Čauševića broj 1.

Član 5.

Skupština ima pečat u skladu sa zakonom.
O čuvanju i upotrebi pečata stara se sekretar Skupštine.



Član 154.

Ukoliko se amandmanom bitnije mijenja tekst prijedloga zakona, o amandmanu se ne može odlučiti prije nego što se o njemu ne izjasne nadležna radna tijela Skupštine, Zakonodavno-pravna komisija i Vlada.

Član 155.

Ako amandman na prijedlog zakona sadrži odredbe kojima se angažuju finansijska sredstva, predsjedavajući Skupštine dostavlja amandman i nadležnom kantonalnom organu u čiji djelokrug spadaju pitanja obezbjeđenja sredstava i raspolaganja sredstvima da razmotri uticaj odredaba amandmana na raspoloživa sredstva i na obezbjeđenje sredstava za finansiranje predloženog rješenja i da o tome izvjesti Skupštinu.

Član 156.

Povodom amandmana na prijedlog zakona podnesenog u toku pretresa, Skupština može odlučiti da se pretres prekine da bi se o amandmanu izjasnila Vlada, nadležno radno tijelo, klubovi naroda i Zakonodavno-pravna komisija.

Član 157.

Podnosilac prijedloga zakona se izjašnjava o amandmanu.

Vlada Kantona se izjašnjava o amandmanima i kada nije predlagač zakona.

Amandman podnosioca prijedloga zakona, kao i amandman drugog ovlaštenog predlagača sa kojim se podnosilac prijedloga saglasio, postaje sastavni dio prijedloga zakona.

O amandmanu na prijedlog zakona sa kojim se nije saglasio predlagač, a podnosilac amandmana nije odustao od njega, Skupština glasa odvojeno.

- Donošenje zakona po skraćenom postupku

Član 158.

Kad je to programom rada Skupštine predviđeno ili kad nije u pitanju složen i obiman zakon, podnosilac prijedloga zakona može umjesto nacрта da podnese prijedlog zakona i da predloži da se prijedlog zakona pretresa po skraćenom postupku bez nacrtu zakona.

Ako Skupština ne prihvati da pretresa prijedlog zakona po skraćenom postupku, sa prijedlogom zakona će se postupiti kao sa nacrtom i o tom nacrtu odmah se vrši rasprava.

- Donošenje zakona po hitnom postupku

Član 159.

Zakoni se, po pravilu, ne donose po hitnom postupku.

Izuzetno, po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za društvene interese u Kantonu.

Član 160.

Prijedlog da se donese zakon po hitnom postupku, skupa sa prijedlogom tog zakona, može da podnese svaki poslanik/zastupnik, radno tijelo Skupštine ili Vlada, uz obrazloženje zašto je neophodno da se zakon donese po hitnom postupku.